



## **Universitätsbibliothek Paderborn**

**Vita Venerabilis Yolanda Priorissae Ad Mariae Vallem in  
Ducatu Lucilburgensi**

**Wiltheim, Alexandre**

**Antuerpiae, 1674**

Cap. XIV. Yolanda levi de causa gravissimam matris iram incurrit. Haec illam sub arctissima custodia Bellacostae relinquit, & Viennam redit; undè indefinenter alios atque alios submittit, qui eam ...

**urn:nbn:de:hbz:466:1-11873**

cura. Unus erat amor, Sanctimoniale esse egenam atque pauperem. De reliquo, quam ipsa rebus caducis, tam ipsi res caducæ perierant.

Hæc Yolandæ vitæ ratio matri tantum irarum concivit, ut eam non modo non animo, sed ne quidem ferre posset oculis. Itaque ab eâ se seiungere, nec pro filia habere. Matris exemplo animati familiares, Yolandam despiciatui habere, non verbis amicis alloqui, non congredi, imâne aspicere quidem. Tantumque fuit licentia, ut irridere auderent ministri. Prout quisque Margaritæ gratiam ambiebat, perinde Yolandam obiurgabat, conspirantibus etiam in id famulorum infimis. Nec à vexando retinebat mulieres innata sexui modestia. Undique certatim probra quisque ingerebat, Yolanda interim ferente omnia placide, ut miraculo esset patientissimæ virginis constantia. Nimirum contrâ omnia adversa obfirmaverat devotum Deo animum.

## C A P U T   X I V .

*Yolanda levi de causâ gravissimam matris iram incurrit. Hæc illam sub arctissimâ custodiâ Bellacostæ relinquit, & Viennam redit; undè indesinenter alios atq[ue] alios submittit, qui eam tentent.*

**C**um verò in infinitum penè procederet illud cum Yolanda certamen, cœpit aliquando

matrem tot rixarum atque iurgiorum tædere , &  
suam ipsa reprehendere nimiam adversus filiam  
severitatem atque duritiam. Statuit itaque eam  
tentare moderatius. Fortè per æstatem secun-  
dùm prandium filiam ad cubiculum suum solam  
secum abduxit, Henrico interim cubante foris,  
& aliquid capiente somni. Ac tum , Adesdum,  
inquit , carissima filia : hoc lecto unà mecum  
paululum conquiesce. Hoc loco æque ac tempo-  
re longæ dissensioni terminus aliquando detur.  
Miseresce , quæso , tui ipsius , miseresce patris,  
cui tu una pro omnibus liberis es ; cuius tu antè  
omnes alios unicæ deliciæ & unicum solatum.  
Si quid hactenus intercessit iurgij , si quid offend-  
sionis ; id potes tu perlevi momento tollere. Si-  
ne in viam te reduci , & matri vel tantillum ob-  
tempera. Cumque Yolanda percunctaretur, quid  
demum illud esset, quod à se tantopere conten-  
deret ; tum mater : Rogo te & obtestor , quan-  
dò decretum adeò fixumque tibi , esse Sancti-  
moniale , saltem ordini D. Bernardi te applica.  
De loco, tuum esto arbitrium ; habebis faventem  
me ubique & adiutricem. Ad hæc Yolanda: Ca-  
rissima mater , ut ipsa me defraudem ? Sed id par-  
vi refert. Ut Deo mentiar , datamque , immò  
iuratam ei fidem fallam ? Ignosce mihi , quæso,  
mater. Hæc à me poscere , quæ mihi neque li-  
bent , neque licent , est perdere omnem operam.  
Mater his auditis , flere tam ubertim , ut lectum  
madefacerent effusæ lacrymæ , nec minus interea  
flente

flente Yolanda. Cæterūm ut vedit mater , plus filiæ constantiam , quam suas valere preces , intermixto indignationi dolore victa conticuit . Ubi deindè Yolanda eam ceu consopitam iacere animadvertisit , ne somnum matris interturbarer , cautè tacitèque consurgens abscessit . Sensit abeuntem Margarita : & subito velut acta in rabiem , ingenti voce exclamat . Excutitur eo clamore Henrico somnus . Ad conjugem advolat . Videt se ipsam pugnis cädere insanientis modo . Audit maledicta iacere in diem & in suummet uterum , qui filiam talem luci dederint , cui sit odiosa atque invisa mater . Me aspernatur , inquit , fugit consortium , imò & aspectum meum , ceu dirum atque nefustum . Miseram me , quid egi ? In quam tantum amoris contuli , in qua collocaveram solatum omne gaudiumque meum , hæc me torquet atque scrutiat . Et ne quid mœrori meo desit , suum non sentit crimen . Meumne potius , Yolanda , an tuum quærar infortunium ? Quî huc delapsa es amentiæ ? Henricus , ubi primum effusæ coniugis querelæ spatiū loquendi dederunt , rogar obstupesfactus , quid hoc rei sit ? Illa : Habet me despiciatui tua filia . Hoc misera lamentor ! Hoc ita torquet animum , ut nisi ( quod te obtestor ) vicem meam ulcisceris , scilicet tristitia & mœrore confecta emoriar . Ad hæc Henricus : Cara coniux , parce precibus , quæ imperare mihi potes . Una amborum est voluntas . Rogo itaque , ait illa , ut diris divoveas concupitum

à filiâ tuâ Cœnobium , eamque æternūm inde omnibus viribus sejunctam atque amotam habeas. Nec mora Henricus flexus conjugis iratæ precipi- bus , & irâ incensus ipse , Cœnobium detestatio- ne prosecutus , jurat facturum , quod ipsa roga- verat. Ea res Yolandæ tam sœva accidit tamque atrox , ut omnibus perpeſſis antè malis præcellere videretur. Nec tamen de animi fortitudine at- que constantiâ quidquam remisit , sperans , datu- rum aliquando certamini finem , pro quo pugna- ret , divinum Numen.

Matrem porrò infracta illa Yolandæ mens pessimè affecit. Ergo pertæsa tot rixarum atque jurgiorum , stimulante irâ & indignatione , Bel- lacostâ discedit , relictâ ibi ceu in captivitate filiâ. Puellis duabus Heilivivæ & Beatrici severè man- dat , ut quam sua capita cara habeant , tantam adhibeant Yolandæ custodiam. Ne finant esse so- lam , neu extrâ arcem proferre pedem , non cui- quam , sive viro sive mulieri , sine se colloqui. His datis imperijs , Viennam proficiscitur. Non fuit tamen ea custodiæ severitas , quam Margari- ta jussérat. Fuit Yolandæ liberum per virgines , ex suo ingenio piè vivere. Itaque vigilijs , com- precationi , lectioni dare operam. Iam Sancti- monialem dicerès. Iocos atque gaudia alijs per- mittere ; ipsa in conclavi cùm Deo agere. Quæ omnis vitæ ratio ita Yolandæ grata accidit , ut captivitatem suam tanquam beneficium matri hi- laris atque læta imputaret. Fuit & sua deindè custo-

custodibus virginibus à Deo data merces. Quippe ex quotidianâ Yolandæ consuetudine atque convictu tracto virtutis exemplo, Cœnobium posteâ cum illâ pariter iniérunt, ut suo loco referam.

Non diu latuit Margaritam hoc filiæ vitæ institutum. Perspecto itaque tam jucundam ei esse solitudinem, offensa cā re, subornat ex D. Francisci familiâ, qui Yolandam à cœptis avertant. His intrâ paucos dies submittit alios, ceu suppétias, ex vario sacratorum Deo hominum ordine. Pugnatum hic, sanè, acriter, nec uno genere. Increpabat aliis, aliis obsecrabat, aliis Cœnobium, ad quod aspirabat Yolanda, maledictis impetebat, aliis in eo totus erat, ut ordinem D. Bernardi cæteris omnibus anteferret. Fuit, qui blandiendo, humana gaudia & vitæ commoda, quēis, modo vellet, frui posset, mirificè commendaret. Sed fortior omnibus Yolanda, reponebat Deo datam fidem; nec se mutaturam, aut vitæ jucundæ desiderio, aut mortis metu. Ita repulsis sacris Deo hominibus, succedebat alterum agmen, cognatorum atque consanguineorum, qui pugnam redintegrarent.

Non dubitat hoc loco Hermannus, Yolandam tolerando atque certando, vel ipsis Catharinæ & Agneti fortissimis Virginibus anteponere. Harum certamina properatâ morte brevem reperisse finem: illam pluribus annis diuturnam traxisse luctam. Harum cruciatus atque tormenta, quam-

vis atrocia atque crudelia , uno alterove stetisse die : illius mala , etsi citrā sanguinem atque vulnera , fuisse longissimi temporis. Certâsse has cum hominibus , non modo non amicis , sed feris atque barbaris & sceleratè impijs : illi fuisse congre diendum cum ijs quos natura coniunctissimos nobis fecit , cum cognatis atque consanguineis , cum patre & matre , quin & cum devotis Deo hominibus ; quorumque monitis & præceptis ad Dei cultum impelli oportebat , hos ab eodem Deo omni industriâ avertere conatos. Fuit , certè , stupenda admodum Yolandæ tot malorum tolerantia , & ipsa malorum vis tanta , ut ijs quilibet ali us , quam invictus Yolandæ animus facile cederet atque succumberet.



CA-